

中國方志叢書·華中地方·第一〇〇號

據

清·魏瀛等修·鐘音鴻等纂  
清·同治十二年刊本

影印

江西省

# 贛州府志


(一)

成交出版社有限公司印行

54/101/75

229  
H819

docriver 文川網  
古籍書城  
入駐  
在文川網搜索古籍書城 更多電子書



\*10096892\*

中國方志叢書·華中地方·第一〇〇號

據

清·魏瀛等修·鐘音鴻等纂  
清·同治十二年刊本

影印


江西

# 贛州府志

(二)

56194/11

成交出版社有限公司印行



\*10096891\*

中國方志叢書·華中地方·第一〇〇號

據 清·魏瀛等修·鍾音鴻等纂  
清·同治十二年刊本


影印

江西省

# 贛州府志

(三)

成交出版社有限公司印行



\*10096890\*

docsriver 文川网  
入驻商家 古籍书城

在文川网搜索古籍书城 获取更多电子书

中華民國五十九年 月壹一版

# 贛州府志

全三册

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

贛州府志

贛州府志

卷之二

皇朝通志  
卷一百一十一

板存贛州府志

荊州府志卷首

總目

序

舊序

舊例

輿地志

星野

疆域

城池

山水

官廨

祠廟

寺觀

名蹟

墳墓

風俗

物產

祥異

經政志

學校

纂輯姓氏

凡例

繪圖

卷之一

卷之二

卷之三

卷之四至卷之七

卷之八至卷之十

卷十一至十五

卷十六

卷十七十八

卷十九

卷二十

卷二十一

卷二十二

卷二十三至二十五

書院 鄉塾附

卷二十六

田賦

科則漕糧起運屯田雜稅戶口官租

卷二十七

權稅

卷二十八

鹽課

卷二十九

驛傳

卷三十

兵制

卷三十一

武事

卷三十二至三十三

官師志

統轄權使表

卷三十四

府秩官表

卷三十四

縣秩官表

卷首

總目

二

府教授訓導表

山長附

卷三十五三十六

縣教諭訓導表

卷三十七

武秩官表

卷三十八三十九

統轄名宦傳

卷四十

府名宦傳

卷四十一

縣名宦傳

卷四十二

附列甯瑞石名宦傳

卷四十三

武名宦傳

卷四十四

選舉志

卷四十五



薦辟文武進士舉人表 卷四十六

貢生表 卷四十七

飲賜表 卷四十七

仕籍表 卷四十八

封廕表 卷四十九

人物志

仕績 卷五十

武勳 卷五十一

忠義 卷五十二

孝友 卷五十三

順州府志

卷目

三

儒林 卷五十四

文苑 卷五十五

善行 卷五十六

隱逸 卷五十七

藝術 卷五十八

寓賢 卷五十九

隱釋 卷六十

列女 卷六十一六十二

藝文志

書目 卷六十三

志目 卷六十四

梁文 卷六十五

唐文 卷六十五

宋文 卷六十五

元文 卷六十五

明文 卷六十六至六十九

國朝文 卷七十至七十三

歷朝詩詞附 卷七十四七十五

國朝詩詞附 卷七十六七十七

外志

順州府志

卷目

四

雜記 卷七十八

贛州府志卷首

纂輯姓氏

督修

頭品頂戴兵部侍郎兼都察院右副都御史巡撫江西等處地方兼提督銜兼理糧餉領勇巴圖魯劉坤一

三品銜分巡吉南贛甯兵備道兼管水利事務文翼

主修

三品銜江西補用道贛州府知府魏瀛

總修

翰林院庶吉士南豐魯琪光

總纂

贛州府志

卷首

翰林院編修前湖南辰沅永靖道與國鍾音鴻

安徽候補知府補用道贛縣鍾秀

五品銜翰林院編修與國藍技奇

監理

運同銜升用同知贛縣知縣崔國榜

前饒州府樂平縣知縣俞敦培

同知銜前署崇義縣事江西補用知縣周長森

前署零都縣事江西即用知縣陳翔墀

同知銜前署龍南縣事江西候補知縣何訥

提舉銜江西試用通判朱景歧

分纂

贛縣舉人蕭先斌

贛縣舉人石昭華

零都縣舉人洪霖

信豐縣貢生王翹

興國縣舉人黃華采

興國縣生劉仁

會昌縣舉人劉林森

龍南縣貢生賴正和

長甯縣生古占先

參校

卷首

湖南新化縣監生歐陽价

留陝補用縣丞曾守中

候選訓導宜黃縣廩廩生黃傳懋

南城縣附學生蔡方畝

監提舉銜候選訓導湖南新化曾繼松

論天下之大勢者莫先於形勝飛狐上黨天下之脊左太行右孟門崑函之阻關隴之固虎牢之雄豎叢蜀道之險載在史冊瞭如指掌然大易之言曰王公設險以守其國夫險而曰設必有因其已然審時度勢措置得宜者不徒恃乎山川邱陵也江右之有贛一形勝之地也余嘗汎洞庭涉彭蠡適流而上所見山川城郭氣象雄偉鮮有如贛者蓋自五季以來東南之樞紐繫於豫章贛則豫章之門戶其地撫閩粵之背扼章貢之吭層巒疊嶽氣勢磅礪其民樸質少文水耕火耨竭豚豚之力食上壤之毛然而山

贛州府志

卷首

深菁密易於蕪奸民俗勁悍任氣好鬪考之明代喇蠻嶺寇紛然肆起特命都御史建節郡城控制四省參藩橫北者分疆之外復有分守先後削平大帽楠岡三湖黃鄧諸策則前代之重視此形勝者固有道以處之也逮至我朝定鼎之初沿明之舊其時遺孽鴟張而郡城屹然雄兵四出十餘年間遠近嚮化宜若無跡更張者一旦從新創制以列郡還之四省而橫北專設分巡其故何也蓋天下大定分之仍有輔車之勢不分轉多牽制之虞制四省之邊隅以隸贛者權宜之策非久計也顧本隸豫仍歸豫轄則省垣之藩籬益固由是而政務不繁以巡為守其責且

無旁貸此因時制宜之妙用也然而久安長治其要尤在得人昔之官斯土者殫心經畫戡定撫綏重根本以固腹心城險要以清巢穴其為計至深且遠後之人踵其成法與時變通無一日不以地方為念斯地方無一日不安征者粵氛播惡出沒於五嶺八閩之間率以贛為孔道而尤耽耽於贛乃賊至而城無恙賊去而民無恙即荏苒竊起不旋踵而滅無他參考成法務叶時宜危而獲全其明效也然則形勝所在得其人則可恃不得其人則失所恃又其明徵也余不敏奉

贛州府志

卷首

天子命備兵於茲時與太守魏君柳南及在事諸君孜孜商度懲殷鑒而法前型未嘗一日以形勝為可恃也今七年矣頃太守以郡志成索序言以弁其首余以菲材蒞此各區無所表見以為纂輯者潤色之資能無愧甚及詳為披閱則凡李志以後合郡之情形積年之事蹟與夫忠孝節烈足動人觀感者一展卷而歷歷在目不專紀形勝也至其體雖仍舊而徵文考獻寓創於因有補李志所未逮者記事則祛偽而刪支論人則揚善而隱惡微而顯婉而成章太守有深意焉方今上下相安饑饉鮮告民生其間涵濡煦育於

聖朝德澤者二百餘年登螺峰之巔憑臨四望山高水清

道遂無異議以是知官署案卷易散亡不如志可歷久其  
關係尤遠且大也其餘仍舊增新共加酌核甯淺近毋粉  
飾甯質實毋虛浮不敢詆前而誑後不敢執異而苟同求  
所爲作傳索米諱惡受金者可爲在事諸君決其無矣第  
不知於採輯各弊有能免其一二否也又不知管見所歷  
各弊有當於志事得失一二否也人每苦於由之而不能  
盡知知之而不能盡言言之而不能盡行而言其所知以  
策其所行或宏通者見以爲易而譎陋者見以爲難是則  
爲器識所限而文藝匪長議事鮮制竊願就正有道請卽  
執此以爲贊同治十二年癸酉夏三品銜江西補用道知

卷首

三

贛州府事邵陽魏瀛序

先器識後文藝先事功後議論此論人也而志亦然言不  
文行不遠志之不可無文藝議論也固已然違獨斷而妄  
肆雖黃少綜核而徒後漢繪文藝議論非不佳也而器識  
事功謂之矣矯其弊者又或苟簡從事無所發明草率操  
狐自甘挂漏則亦非文質相合華實並茂者矣然則欲求  
規模宏遠事實精詳而文采議論又足以發其光而壯其  
色修志者舍此不為功吁豈易言哉大都地方應收入志  
之事見聞異詞秉筆所據除舊志外惟資採輯採輯之事  
分任官紳姑無論備私者以愛憎為取舍講張者每道聽

贛州府志

卷首

序

一

而塗說也即非有意弊混非不各矢慎勤而或失之寬則  
闕惡而亦疑失之嚴則見善而不信力不果則舍難而從  
易避重而就輕見不精則得贖而失取小而遺大或謬  
逆而近處反畧之或好奇而庸行反忽之即不然官知公  
署事而地方之事不盡知紳知地方事而公署之事不盡  
知憑案牘以稽事案牘有損缺則訛漏可慮探記述以立  
言記述苟失實則外誤相因又况官非久任則任事之原  
委一時未必盡悉而五日京兆無論矣即久任而平日所  
經營久或不能盡記而局外旁觀可知矣且有習為具文  
成掩耳盜鈴之塵牘者信手鈔錄則各實不相符也有曲

避吏議而回護遷移其情節者依樣葫蘆則是非不能白

也之數弊者苟採輯不能先除則雖秉筆者致核精詳亦  
難盡歸美善况致核不力者哉而或者曰江海之深也人  
第見其波濤浩瀚而魚龍蛟蜃之潛伏極藏斯好而  
無睹也山岳之高也人第見其巖壑崇邃而煙雲鳥獸之  
出沒雖變化離奇而或不覺也志苟文成法立燦美可觀  
縱事實稍有未詳匪誤則漏彼遠人披覽但憑簡編何由  
知其得失哉雖然此不可以律志志以記事一有不實不  
盡識者必議其後其不足以示勸懲資攷鏡猶後也且恐  
有因而貽誤因而生弊者矣安可以不慎乎我

贛州府志

卷首

序

二

朝聖聖繼承元元熙洽及我  
皇上御極以來治成中興安平大亂振聲於四海合申  
外為一家車書所同正潤色鴻業藉軒採風時也 中執  
法劉公請修省志疏奉 俞諭飭先修州縣志以匯於府  
而上之 奉檄後思維志事之難如此而材乏三長懼無  
以塞明命稟商 觀察文公遴舉官紳襄其事迨南豐魯  
太史任筆削焉 觀察又遇事相提命而綜籌核校則俞  
大令實始終其事 復時參未議或亦妄贊一詞其中惟  
官廨祠廟及各公產則尤研求細而註載詳曩 守財有  
爭公產者卷案契據皆焚於兵久不決後得舊志為徵兩

間有負園不服者乎無有也間有猿狙未變者乎無有也  
負未備經蒸我髦士庠序之地濟濟踰踰誠使郡人士近  
蹤往哲則王文成公之遺澤未溷濼溪周子與東坡先生  
之道德文章猶堪想像卽何善山黃洛村之性道亦盡人  
所固有將見爭自濯磨進而益上飽日續加採輯必有爲  
志乘增光山川生色者余殷然望之矣

循道湘鄉文翼序

同治十有二年歲在癸酉夏六月江西分巡吉南贛甯兵

舊序

贛州府志正德丙子前守當塗邢公始聘刑部郎中長江李公堅修之屬草已完而邢公以擢官去金陵羅公屬其門人上舍生歐陽誠者潤色之安陸張公復手加校正序其首簡將付梓矣屬以更任弗果嘉靖戊子芳偶承乏今御史大夫容東汪公時以中丞節出鎮茲土復哀其稿裁決於廷尉董公乃為重復考訂並增入近事前本之所未載者書成而容東公被召歸朝矣至是踰年始以入刻刻既成芳復偃序其刻之之意序曰古者史官分左右左以記言右以記事左右史備而言與事無遺矣自王朝以遠

贛州府志

卷首

一

列國同之三代之制無或改也秦兼天下始廢國為郡縣史亦隨之而王朝之史猶潘夫舊耳司馬子長史記倣古記言之體作八書至班孟堅易其為志而後漢魏晉隋唐諸書多宗之然則今郡縣之志特古國史之一體耳其所記亦畧矣古今郡國地之廣狹事之繁簡迥乎不同而記載之書詳畧反異至或缺焉遠無以鑒古近無以驗今不亦可慨也哉顧為郡當開粵湖江四省之交視他郡為重邇年來鎮以都臺節以兵憲視昔時為加重况在有宋濂溪元公嘗通守焉維時明道純公伊川正公侍其父大中公令於興國因學於濂溪所謂吟風弄月以歸者實在茲

上二賢講道之地庶幾與郡魯並不尤重也哉顧惟久缺文不足徵豈不重可慨耶乃今歷十餘年更六七守力克成書吁亦艱矣自今吏於茲郡與繼今而吏者千里之廣百世之遠一覽在目由是而施於有政可以議興革昭勸懲酌損益焉豈徒備典章美觀視而已乎此志之所以刻也書凡若干卷總若干萬言嘉靖九年庚寅贛州府知府王世芳

贛州府志

卷首

二

郡之有志猶國之有史也史家記載有凡例褒貶有定法足以傳信垂戒乃謂之良史郡志亦然山川封域之界貢賦之常官府之設因革沿革在所必錄毋庸粉飾增損其間例也若乃風俗之美惡與化移易人才之生視其自樹地雖不得專主吏茲土者政績不能皆同人品亦不能無高下於此不審而漫浪書之或過於稱揚或曲為隱蔽其於史法皆未盡也周官誦訓之設掌道方志以詔觀事巡符則夾王車以行於政教大有裨益歷世久遠莫考其詳今天子每歲必親命憲臣巡按一方察民隱而糾吏弊歸則以開拓其遺法激揚之責固所自盡而典籍之徵亦豈分外事哉侍御容峯陳公珏有見於此乃謀諸都憲玉泉王公遂以贛志屬予修葺衰病薄劣何能為役重違其意乃與陳教授英李舉人國紀參互考訂收其散逸刪其繁

無以就簡約備采覽然於直筆不能無慙也公是非正紳  
錯尚有俟於後之君子志成憲副侯公緘郡守康公河述  
子爲序謹綴數語以引其端嘉靖十五年丙申郡人董天  
錫

郡志修於嘉靖之丙申距今八十六年往矣已事闕如失  
今不續後將何考萬歷間郡大夫有議及此者會兩開局  
未視厥成而辰之歲蘭陽李公以司榷別駕攝郡篆重有  
意焉而謬屬予以筆札之殺予謝不敏而公意彌篤會長  
洲金公來爲守謀與公合則再四趣之予乃健關旋畧取  
各邑新舊牘稍爲編次既成帙惴惴不稱皮之案頭者久  
章少序

卷首

三

之已而兩公俱已遷秩行事亦旋寢司農伍公後至嘗受  
李公記數過山房索予志稿甚亟予遂逡巡出而請正公即  
攜去今春督漕網赴省會遂命書掾繕寫成都歸而進之  
堂長余公余公不鄙輒付梓人既爲區處歎費而一切鳩  
匠供餼更以燧司儲朱公凡越四月殺青斯竟予也自慙  
黷淺之識益以衰髦之年颺技易窮豹窺實短匪其不逮  
尚冀望於後之嗣修者天啟元年辛酉郡人謝詔  
予以已亥參藩嶺北下車之始郡守以職事相見即以志  
書爲問蓋以爲政必先察其風謠相其土宜經理其山川  
考正其貢賦然後因地成化隨俗致理至要也而郡守對

以兵火之後版籍灰燼無復存者予悵然久之閱數日可  
李周子計百購得舊本見示予受而讀之義例謹嚴事辭  
詳核猶稱善志惜止於明熹宗朝莊烈以來闕然未載乃  
下檄所部網羅佚事搜輯藝文將徵聘耆儒開局纂修適  
予以疾請告未暇竣事念無副本恐久而散失於是謀之  
計百獨俸付梓以永其傳至於廣採旁羅以成全書則俟  
之後人焉謹按賴之爲郡處江右上游地大山深疆隴綿  
錯握閩楚之樞紐扼百粵之咽喉漢唐以前率以荒服視  
之至宋濂溪先生通判州事其時趙清獻公爲守而程大  
中先生令輿國大中識濂溪於南安明道伊川受學焉伊  
洛文獻之傳淵源實肇於此文信國守郡建大義興勤王  
之師故至今豫章理學節義爲內節表而賴郡尤著然  
山僻俗悍界四省之交是以姦宄不測之徒時時乘間竊  
發疊嶂連嶺處地既高俯視各郡勢皆連滌非得博大通  
方威信重臣鎮撫其地則四省往往多事故前代特命憲  
臣駐節於郡王文成公投提督專征伐剋平山寇厥勳爛  
焉及宸濂逆命天下震動公率二三郡守統兵數千旬日  
之間擒俘宸濂舉豫章數千里地歸之朝廷豈非重地得  
人之明驗與而文成公學本周程在賴日與南野東廓洛  
村善山諸君子講明良知之學天下學者以虔南爲歸南

卷首

四



野泰和入東耶安福人洛村善山皆郡之零鄙人可謂盛矣噫處南之盛衰既關數省之安危而聖學之修明每肇端於茲地則其山川必磅礴鬱積滌澗蜿蜒故能固東南之靈氣蓄造物之祕藏而非他郡所可頡頏也予既考閱舊志得其形勝扼塞之要間嘗登城四眺見陸岫天竺萬峯迴合貢水章江雙流奔湍北顧十八灘巨石側立如大牙森森想見清獻疏鑿之跡未嘗不俯仰慨嘆云時幸官師謁濂溪二程子講堂修其俎豆信國文成二祠亂後或敵壞或焚燬予既祀於濂溪書院與諸生執經揖讓於前念典刑之尚存思音徽之如在蓋不禁爲低徊流連也獨

卷首

舊序

五

是山川如故風俗漸漓戶口消耗賦役繁難且伏戎未靖鄰氛時警選舉應南宮試者十二邑僅數人耳嗚呼何今昔之不同如此是非在旬宣牧守者之責與今大中丞蘇公文經武緯勳寇興學威德著於遐邇四方立翹廓清正所及才通方威信重臣也予以庸非不克承事下風共勤勞事實深自愧後之君子撫覽茲編尚其加意振興綏輯殘黎再見清獻之休烈而與賢士大夫講明性道尋塵緒於微茫以上追濂溪陽明之風知必有洛村善山其人出而應之者矣順治十七年庚子分守嶺北道睢陽湯斌聖天子坐明堂以出治轍郵萬里東西朔南遠軼漢唐宋

開天之版遐邇邦文獻悉達職方禹貢幅慎不克博綜成書以備大一統之典亦安用此山諸侯澤諸侯爲者鄧州在天末屹然爲三湘八閩五嶺之奧區於時天雨矢地涌干於章貢之涇者以數載隸我正朔獨後諸省欲懷柔而救甯之將何以按籍如指諸掌句章氏邈矣吳楚越之不常所治也夫斗牛女之野所聞所傳聞異辭石梁之敗皂口之阻不可謂地險之非山川邱陵也元詔天下無修城城日就圯四方兵起始再修於全普庵撤里之手無事之備庸敢一日弛哉彼白鶴翠玉駒巖鬱孤之閣僅于大夫事耳明洪武初戶以八萬二千計口以三十六萬二千計永

卷首

舊序

六

藥滅其半成化再三減其一宏治中過成化而不及永樂兵興以來膏原野者更凡幾青羊白戈之害庸有豸耶按舊程能政莫先焉鎮撫之設肇自金澤文成定難遂大厥功其他大帽山三巢之捷成銘戈鼎即守令倅尉罔不各靖乃職事不有君子其何能圖百勝昭信廂軍萬戶部之號代不相襲大約不能偃武建鎮募卒無事則坐糜衛所之旅率足以建威銷萌參戎命犬猷未聞以權輕臨乃績也稅在虔關於諸關稱徵者商賈雲屯時以其餘佐大中丞敵愾之需今嶺海犀象珠貝之利未盡通推使者迭中考功法倘貽幣以豫緩急於司農若錙銖也虔俗尚鬼大

docsriver 文川网  
入驻商家 古籍书城

在文川网搜索古籍书城 获取更多电子书

類食列食不祥食夢食穢死寄生者言顧岳忠武手高塞  
詔屠城力爭者三乃免常開平以大將軍下城不擅殺一  
人社而稷之不獨濂洛諸君子位不祧也士讀古人書詎  
功名是急無人焉鍾紹京董越而起余無責贍彼玉巖  
高蹤未遠善山洛村諸風流猶有存焉者乎左氏傳春秋  
不黜神怪石鼓白鶴以暨登木杪去兩腋生龍鱗告漢灌  
嬰以捷期又被瑪瑙帶賜者未必非閱覽博物之一端也  
十蛇聚龜之譚傳出郭璞詭而不可信二井三池理則有  
之螺女木客不一而足白孟蘇黃宋李輩皆筆補造化矣  
余樸不能爲雕語又虞無以成大一統之典得舊志十八

卷首 舊序 七

卷慮截趾而適屨也爰仍而刻之後之君子察險要相風  
俗何以使備則以委積魏時聞則以成樓會嚴聞遊吏  
以無疲騎將士以無缺及聞師無以漁擾其下而詳其口  
聞百姓無以殫不備聞當有按籍如指諸掌者又不在區  
區口若耳之四寸間也順治十七年庚子瀕州府推官中  
州周令樹  
古者一代之興必紀其功德文物之盛其事則掌之柱史  
其文則藏之故府又恐幅輿廣而耳目難周於是守土  
之責者皆得司其紀載之事其山川之美人物之靈悉得  
而詳誌之於以備招拾昭法戒此外省郡邑志乘所由昉

也蓋其事非徒以博通典籍以自侈其文績而已必也考  
其源流究其本末務使其文質精當詞不溢而義不踈斯  
善矣予嘗嘆志乘之弊多由於簿書俗吏欲藉是以守  
土之責已既無博蒐精核之才而又委諸一二庸妄之人  
擅竊舊聞轉相附會或一人而爵里互移或一事而年代  
互異又其甚者廣徇情面陰圖利資蕭蕭可以同登玉石  
因而倒置然則其書尚可信歟此而不慎後雖有博蒐精  
核之才欲起而辨其是非考其得失而事與時湮跡因世  
改其孰從而引證歟孔子曰吾猶及史之闕文也又曰信  
而好古故春秋於郭公夏五之文甯疑而不益而問禮問  
官不憚旁搜而博採蓋古聖人於紀載之際如是其詳且  
慎也今卽以輶言之自周秦以迄於今歷漢魏六朝唐宋  
元明上下二千餘年其間或屬於郡或置爲州或升爲軍  
或改爲路或置爲府銀墨之所陞旌節之所駐長蛇封豕  
之所出沒金戈鐵騎之所往來蓋不知其幾變遷矣考諸  
紀載得失之林保無有傳信而不傳疑者乎我  
皇上聖德神功統一區宇深仁厚澤垂五十餘年凡在四  
海六合之內無不照臨而顧在西南爲中原之近地兩粵  
之通塗扼險阻而據上流非他郡可比則郡志之當修更  
急於他郡興國張令由原常出宰是邦予久耳其名因屬

卷首 舊序 八

而詳誌之於以備招拾昭法戒此外省郡邑志乘所由昉

以茲後期年而告成以其稿請正於予予流覽一過嘆其  
蒐覽之勤考核亦稱詳慎或幾乎詞不溢而義不疎矣因  
喜而弁其言於簡端康熙五十一年壬辰仲秋江西巡撫  
廣甯郡廷極

予以辛卯秋仲上事贛郡少參嵩巖陳公則語以纂修郡  
乘之役方置局歲事纂修者誰與國令損持張君也贛之  
屬十有二與國令何以獨尸之以大中丞今節漕郎公命  
也帥漕公以先山左中丞公嘗守贛郡遺愛在人歲癸亥  
公假道茲土遺民故吏迎拜郎君誦述先德者以億計比  
公節鉞江右尤倦倦以贛屬為念屬守土之吏蒐袁志事  
贛州府志 卷首 高序 九

者至再皆未成輒去既稔知張令之在興讓激水志林得  
古人作者之法遂舉郡乘畀之而屬少參公以監總之任  
凡張令所舉襄事之人所採之書所移旁郡縣之符牒所  
發之凡例條目一一請於少參公可而後行予亦得參預  
其末期年書成郎公已移節淮上上其稿擊節嘉許無遺  
議乃更命之鐫板以行蓋贛府舊志訖於前朝萬曆之末  
祚距今九十餘年十二邑各有志或成或否先後參差遠  
者闕至百二十年近亦三二十年此百二十年九十年三  
二十年者之增修補譌無論已願張君更為勞蒐遠紹益  
求前志之所未遺人物增者什四五人物之姓名具而事

蹟未備增者又什二三異聞軼說典章制度增者什六七  
詩文簡牘增者不啻什之八九舉舊冊較之大有逕庭若  
河漢焉予進張君詰之曰子其過異人而得異書耶抑不  
免於史遷多愛愛奇耶張君謝曰非敢然也人物得之庶  
宋累朝諸國史弇州鏡山未成史諸家之書以及宋元以  
來諸家詩文之集詩文即出於諸家之集以及諸選宋編  
輯之詩文異聞軼說又出於史與集之緒餘間採神乘諸  
書而襄事諸子舉所聞以助之而已某固陋藏書不多既  
奉命承乏斯役嘗遣人鈔書於吳下師友藏書之家借資  
力不給未足以愜所懷凡所增修之故典其所自出皆具  
於各條之下非僻書也以愛奇之故而務為無端厓之詞  
其何敢乎作而言曰諒哉物莫不聚於所好而成於用力  
之勤周賈藏玉之璞而鄭賈懷鼠之朴商邱之楸柏拱把  
而上者求狙猴之杙者資之三閩四圍求高明之櫬者資  
之七閩八圍貴人富商求揮傍者資之有賤丈夫焉執鼠  
朴與拱把之木而號於眾曰鄭無玉商邱之山無材今之  
操筆而登作者之壇皆是矣張君固負作史才其詩文頗  
類於古大家而特露其倪於贛志於此益以服帥漕公之  
知人少參公監總之勤予之來適躬親其盛而是書之成  
可以不負斯贛也故原始尋其端而為之叙時康熙五十

二年癸巳季冬知贛州府事廣甯黃汝鏡

郡與縣必有志郡志視縣志較畧而視省志則加詳雖然  
詳亦非務博好奇據拾不根如不善竹者節節而為葉葉  
而累之謂也必擇其文其事有關於山川之美人文之秀  
風俗之醜靡文武寮案之遺愛立功立德立言之先達名  
垂不朽者志之使讀者思其美慕其秀樂其醜靡慎其遺  
愛景仰其先達之所以樹立不朽斯詳者不病其繁且惟  
恐其畧也否則搜羅雖備紀載雖多以云務博好奇據拾  
不根則得矣稱爲一郡之信書猶未也贛郡江湖樞鍵嶺  
南咽喉又十二邑多崇山幽谷爲竄民逋逃之藪昔稱難  
贛州府志 卷首 十一

使人讀之雖詳也而不病其繁且惟恐其畧也如斯而已

張令然予言於是博求羣書擇其文其事有關於山川之  
美人文之秀者風俗之醜靡者文武寮案遺愛之可風者  
先達之功德音名垂不朽足使頑廉懦立者悉取而志之  
繁而不華切而有要非務博好奇據拾不根以爲詳者比  
今而後贛郡有信書矣書成授梓余亦樂爲之序康熙五  
十三年甲午季春分巡贛南道三韓陳良弼  
郡縣以水名者不一章貢二水形適與贛合贛水居江西  
上游源出新樂縣都二山其間襟山帶水土田磽确物產  
稀疎人民慇懃而猛烈典郡者難其任虞潭父子以勳績  
著於晉五代之際封爵遞嬗武畧稱雄一二名宦與郡之  
士大夫以文采風流相尚遂有所紀述如南康記其先導  
矣郡志自元以前未有開明正德丙子邢公珣會一修舉  
見於嘉靖董志叙董志而後有天啟辛酉謝志  
國朝康熙甲午張志皆名筆也乾隆己卯前守朱公復舉  
其事稿垂成去遂廢隄今二十年存舊稿於蠹蝕之餘余  
時一展閱未嘗不慨歎前勞思踵成其書以簿書紛沓未  
遑也丁酉夏因公寓章門驛道吳公則前守郡者也偶話  
舊事誰能才近六十年中間僅一續修而中止非與郡者  
今日之責歟余益懽然心動歸郡集商寮議輪俸重修分

宜林君有席前領吉安志義例嫻熟走幣廷主其稿佐以  
 新建考廉杜慶府學劉教授謙劉訓導欽談並義贊之八  
 閱月脫稿林君參舊志新編為發凡十六則總目十六處  
 公熟商而後援筆於是杜君任賦役軍政圖考教授任學  
 校各宦寺觀訓導任建置兩人又兼任人物列傳自天文  
 地理山川秩官選舉封爵列女藝文雜志皆林君領之每  
 一稿成諸君辨訛訂舛補缺剔繁炎暑涼秋皆餘燈燧編  
 摩不遺餘力余感其勤慎案牘之暇逐卷復按析疑徵信  
 不憚往復有所是正林君語予開曠易而定稿難以謝公  
 鳳渚之謹嚴張公損持之該洽加以前二十年之搜討辨  
 於今猶有新料正增全甫本三詳慎乎予日後之觀  
 今亦猶今之視昔敢謂今之萬全而無憾予五人獨其必  
 力之所可到而其餘則姑候之稽此之滄是郡者觸於所  
 見聞據今所紀載為左驗而化裁通變以時措之於以仰  
 副  
 聖天子久道化成之盛治其必大有造於朝郡也乎乾隆  
 四十三年戊戌知朝州府事翰關寶忻  
 昔湯文正參藩嶺北以郡憲毀於兵燹將議纂修旋以瘴  
 告乃重刊舊志以行舊志者郡人謝鳳渚所輯也本志於  
 道光癸卯夏奉

卷首 三

天子命分選吉南朝甯道冬十月上事深思隕越負疚前  
 賢而察風謠相土宜凡有裨於化理而足以考鏡得失者  
 未嘗一日去諸懷府志多修於郡守自余來嶺北守處者  
 俱未久任皆不暇纂輯顧失此不修恐日就湮沒矧文正  
 之導以先路乎獨是修志於今日則尤有難焉者謝志成  
 於天啟辛酉文正之重刻相距纔四十年今自乾隆戊戌  
 朝守寶忻重纂以來已閱七十年矣故老衰謝未由諮訪  
 郡人士又少著書傳往事者其難一謝志尙質實而去浮  
 華文正所稱謹嚴詳核者誠足徵信若寶志義例不精兼  
 多舛誤甚或星圖易位至以越為燕以蔡為越以鄭為韓  
 以韓為鄭會稽增修舊事其難二風俗以郡人為  
 郡志就見聞所及筆之於書視宦游斯土者事不勞而易  
 舉今無風俗其人而懸縣志又非缺即濫未足盡信其難  
 三然使因其難而設置之則此事又不知屬之何人俟之  
 何日也遂不揣身陋積數年之採輯至丁未夏甫集事值  
 長甯會匪案親往搜捕道所屬各邑復流覽諮詢於風土  
 得其剛柔之性也於物產得其陰陽燥溼之理也於人民  
 得其剛柔之性也於物產得其陰陽燥溼之理也於人民  
 其端緩奪險之勢也於山得形勝既壯其峭崿而又病其  
 頑厲幽篁為狐虺瘴毒之所叢也於城郭營堡得要害控

卷首 善序 古

擬之方及今昔沿革之不同則又穆然於古忠臣義傑  
嘔戰守之蹟而慨想其勲名氣節之所在至於今不朽也  
凡蹤跡所歷輒志其略以備考訂尋又攝泉事功未半而  
中轍明年方以次續葺旋應皖江臬使之命不獲旋割  
昔文正刻而未修其所刻者固可得而證也本仁修而未  
刻將所修者終不可得而見也因携至南昌梓成之夫文  
正往矣其學術政教之所留愧不能希蹤於萬一而是書  
之修庶幾即文正之所願爲者爲之安得起前賢而實證  
之也道光二十八年戊申冬月吉南顧甯道僅任安徽按  
察使錢唐李本仁

凡例

一贛州府志修於道光戊申年為李志距今二十五年其先有湯文正重刊謝詔本及郡人孫麟貴郭泰符續志不可得見所存者惟康熙間張大令尚瓊乾隆間賈太守忻所修兩志張志徵引博洽賈志則李序謂其義例不精且多舛誤經李志參酌攷訂較稱明善此次距李修匪遠其無所損益者悉仍其舊至應增補者均於每條下注明其有舛舛重複應刪訂或存疑未決者則附以按語俱以李志為據而參以張

贛州府志

卷首

凡例

志實志及各邑志續加壽壽以未確當

一李志從張例不繪星圖不立分野一目不為無見張志例言引夾際鄭氏云天之所覆者廣華夏所占者牛女下十二國耳牛女二星非江西閩廣三省之所得居况贛乃十三郡之一敢謂其當居何星然占星紀地徵驗符合見之左氏傳及歷代史書未必盡誣誠以星宿光耀有下施之功能為地下方隅人物禍祥之占應非必如人家兄弟子姪指定財產一一分而據之也皮南廣表千里非最爾一邑可比案牛女三星江西全省並屬贛州且界閩廣必謂牛女二宿

竟為贛州所拾固無其理若謂斗牛二宿與贛州

無涉未免偏枯茲從賈例仍立分野

一學校新設禮樂儀文祭器樂舞章服燦然美備茲復寶慶府志所載增繪圖式以垂永久俾學者知道統之所以重禮樂之所由興習揖讓之風化器陵之俗或庶幾焉此調不彈久矣故文獨繁而不殺云

一李志經政門有雜建置一目稱名未當如郡城之萬壽宮乃拜

關之地各邑之有

上諭亭亦以祿奉

贛州府志

卷首

凡例

繪音畢得以雜目之乎因至沐之凡朝賀之地及一切念

庫與治事之各公所皆官地也今統歸官廨而以萬壽宮冠於首其餘間有訛誤如大濟倉與塔下之常平倉率混不明者悉為詳查更正

一寺觀名蹟舊志所載今多廢圮不能遍為修復者仍存名以俟將來亦愛禮存羊之意也

一道光二十八年以後每有興復之舉如城池則郡城添築福臺南門外月城並城上十房小南門甕城房屋各城門內皆懸觀音關帝官關則觀音關之通判署大湖江之改通判署為巡檢署贛縣縣史署附郭



東西官廳坊井則麗壽清金魚池龍虎井獅子二泉

祠廟寺觀則文廟武廟城西關帝廟劉猛將軍廟先

農壇社稷壇府城隍廟風神廟火神廟精忠祠張王

廟天一閣周貞恪祠山廟光孝寺名蹟則鬱孤臺

入境臺學校則府縣書院又廣之學額添修愛蓮書

院及各書院歷任之員助有火增廣課額並添設之

四坊義學俱檢查案牘及新舊各項緣起數目核實

詳載

一李志所載有遺漏者武事如順治間傅忠毅之入贛

請師修陸海之遺書賴將修國棟之營駐贛州馬文

贛州府志

卷首

凡例

三

毅之敗賊瑞金有舛錯者統轄名宦如劉同升以下

八人統轄表不載其名而俱入名宦傳且楊廷麟姚

奇允黎遂球三人並非統轄之官縣秩名宦如羅栢

廬陵人誤為吉水人儒林如曾文清自贛徙河南遂

占籍其從孫松實贛人乃與文清之子遠一併刪去

文苑如綦母潛文獻通考稱為南康人乃就全唐詩

竟指為荆南人且云今之荊州府不知唐時荆南

道乃總名並非郡名宋以後始有荆南郡藝術如卜

則魏為唐宋間人誤為明人高賢如呂倚載入潘子

真詩話及坡公詩註甚明乃文苑西賢重為立傳佳

續繪曾準並其子開幾舊志本列儒林乃改入仕籍

劉君賢品學應入儒林乃列在隱逸劉應李則儒林

隱逸重出來應桂以武進士而清心者述未為立傳

今說者正之闕者補之俾信今而傳後

一事關建置及地方義舉雖細必書如郡城兩河之渡

冊及官廨倉儲之地址塋墓之增置義園田賦之零

都官租皆核實詳載以垂久遠

一實志官師選舉諸表仍以甯都三縣在乾隆甲戌以

前者另表附後李志州之以甯都既析自有州志也

第三縣當日皆贛屬而選舉實贛屬人士且有由府

贛州府志

卷首

凡例

四

學而登進者自應照實志及李志名宦傳例另編惟

閩嚴既久考核難確姑仍之

一武事自粵寇倡亂以來惟南昌贛州二郡克固吾圍

而贛郡近郊與各村鎮及各縣縣城鄉屢遭鋒鏑其

紳民激於義憤致命疆場或罵賊捐軀至死不屈者

指不勝屈其姓氏可紀者尚不及半獲邀旌卹者又

半焉茲據各屬縣志擇其尤者入忠義傳其團練殺

賊迭著戰功而非死於難者列入武勳俱據各邑志

及稟報實情並參以前江撫察守贛日記其得自傳

聞無確據者不敢濫登

一人物志有增補者有別易者凡現在文職之發分到

省武職之歸標者均入仕籍表此外軍功保舉得有

巴圖魯勇號者亦載入餘不濫登至列女除殉夫殉

節死於寇亂者擇尤立傳餘則附詳無畧其李志所

書姓氏與各邑互異者注明某志作某氏以俟考訂

藝文志書目即隋書經籍志例也當遵四庫全書

體例止分經史子集或重載序文俾流傳他所者得

以訪求攷論但時異世殊半多散失而郡人載之者

少姑仍舊例惟李志所載本郡之書與他邦混合未

免主客不分茲先載本郡書目甯瑞石次之流寓附

卷首 凡例

五

後金石類不另立部已附名蹟至詩文李志凡山川

古蹟等門依類附入其無可附者歸入藝文今明文

間有增補自明以前悉仍其舊至

國朝則以類區分凡作者非載人而其文并與藝無涉

者概置弗錄以符志例

謝志例言

督撫監司不當載於郡乘第度為督撫駐節地嚴曠

攸在而保障屏藩實切依類首列統轄政以表庶僚

之冠冕也其功績顯著者則為敘述則編附於選舉

傳公儀休子產之意云

名宦鄉賢生前不書一以名位未艾一以鄉論未定

也其官帥去任而功德在人口碑聊述其概節婦年

踰六十已合令甲雖未卽世俱備書之若他州縣寄

籍者卽被旌不書以原籍自有志也

舊志有忠惠廟祀郡人盧光稠詔州廟額亦如之無

亦以光稠在唐僖宗時曾為虔韶防禦使有保境功

遠廟之耶抑或其父子相繼劫於餘威故稱德頌功

亦猶蔡州之祠吳元濟耶考唐書載光啟元年春正

月南康賊帥盧光稠陷虔州自稱刺史以其里人譚

全播為謀主書法抑何明且著邪朱溫篡唐在天祐

贛州府志

卷首 舊例

又五

四年距光啟初且二十二年即云請命於梁顯通貢

賦亦據防請後之故智耳乘時之亂為眾所推以刺

史自命專擅多年仍傳其子延昌而李彥圖譚全播

俱為帳下所擁立律以春秋之法在所討乎在所予

乎傳之忠義是邪非邪削其官并刪其傳所以誅僭

竊於既死也其起廢始末則詳見紀事中

按唐謝尚書肇生於衣錦鄉葬於本鄉之黃口皆與

國地也宋陽秘閣孝本生於車輦葬於通天巖皆賴

縣地也二公為郡人無疑矣乃南安志俱收入上翁

豈兩姓子孫有散居近縣者因而各推本其祖邪一

統志獨尚書姓名與循兩處互見而祕閣仍歸贛縣  
江西通志則并祕閣與尚書三縣重出矣

舊志知贛中興國有王編修質按宋史質先為鄆人  
從興國不明言軍興縣也聞文獻通考載雪山集三

卷富川生質景文撰富川係湖廣興國軍舊名於是  
檢武昌府志歸歙之則傳質入興國州僑寓其注履

歷與史同紹興三十年興州人周震來同舉進士而  
州之政和堂恩波亭銀山寺福星寺大浩院皆有質

詩富池口吳將軍甘肅廟有質記始信質之非贛人  
也而一統志江西通志俱誤矣既據質論贛盜嚴盜

卷首

六

疏中一則曰臣嘗聞之二郡者一則曰臣往在江西

見所謂食菜亭處者又曰臣往在江西見其所盜販  
茶者其非贛產不較然著明乎當其時張孝祥知荆

南與質游汪澈以殿中丞宣諭荆襄張浚以樞密都  
督江淮俱辟質為屬以質居楚故也廣輿記亦收質

入武昌人物查宏治辛亥郡志無質名嘉靖庚寅志  
始有之豈因一統志江西通志乃增入之與夫名賢

固有二三處互見者不妨存疑但州縣同名與國縣  
之不可混於州猶州之不可混於縣也州有詩有記

足證矣而縣無一可證鑿鑿以墓實之且指某為某

弟某為某孫某為某幾世孫將不令楚人抵掌乎郭

青螺先生表章前哲採及鄰封作興國四賢傳意何  
厚也予也桑梓後生奈何忍蔑先賢而妄有辨駁乎

第志以信今傳後訂誤考誤實有屬焉如明知其非  
是而姑冒以為名是以拜郭汾陽墓者待里人薄滋

甚矣既無所疑不存之可也  
舊志中有訛誤者如沿革條南宋武帝永初元年置

南康國而誤為順帝昇明初南唐昇元初年取吳地  
置昭信軍而誤為長興二年吳置南都尉於雩都

始析雩都地置陽都縣晉太康元年改陽都曰甯都  
太康三年平吳改南都都尉為南康郡以南海郡揭

陽縣治揭陽曰營改曰陽都者皆非也秩官傳鄧述  
都東北地於波陽郡白鹿營置揭陽縣寶鼎三年徙

揭陽縣治揭陽曰營改曰陽都者皆非也秩官傳鄧述  
潛宋嘉熙中誣為史嵩黨貶知虔州而誤今唐刺史

蔡挺提點江西刑獄兼提舉虔州監會相編夫嚴石  
刻稱通守而俱誤為軍事推官孫明復以知人孔直

溫波及坐貶而專責夏竦陳從易知漢州事強作虔  
州事尹洙坐黨范仲淹貶監鄧州酒稅徙唐州宋史

并歐陽永叔墓誌可證而誤以唐州為虔州郭昂為

贛州府志

卷首

舊例

七

廣東宣慰使一統志敘其履歷并及其三子長震杭  
州路鎮守萬戶次惠僉江西廉訪司事次豫知甯都  
州今舍豫而書其父昂又書昂習武擒蠻事穆觀因  
宋潛熙間龍南丞寇淮永樂間龍南令今遺寇淮名  
不錄而以淮事注於觀圖下人則宋而事則當代大  
可笑馮公康洪武五年任府同知贛州衛神戟奉訓  
大夫同知贛州府事而誤列太守之首蕭頤南齊贛  
縣令而入五代趙汝鹽宋嘉定十六年贛縣令而入  
洪武今悉更定此類尚多不能盡舉也

贛州府志 卷首 舊例 八

昌石城兩邑無刻本贛有宏治刻本余爲諸生猶及  
見之而今亡矣志修於李中丞陳甯志修於盧璽  
卿達吳比部天德三君載筆謹嚴非所謂信而行微  
者耶隆慶間張旌德淵有意信豐志力追古昔初成  
一家之言業已脫橐顧以嫌忌改削原草過半書出  
人有遺議焉惜也其它或新或舊均之可備一時考  
覽然龐雜誣誕間亦有之蓋綠草野弗諸典章譜牒  
妄爲攀附掠美者既不耻於目覩當事者復欲榮事  
補張曲徇人情何關風勸甚者錢神得通其徑實實  
豐竄入於仕流穢行先麗於刑書高致嗣登於新乘

則志之濫觴也徒爲有識者所鄙笑而已妄有取裁  
難免同異知我罪我其在斯乎

張志例言

謝方伯贛郡志素名善本自大司空睢州湯公稱其  
義例謹嚴事辭詳核惟成書至今九十餘年鄉邦文  
獻不得不有事增修康熙甲子郡人孫麟貴郭泰符  
續志起於有明之熹懷但主通事無意更絃今大中  
丞公謬委纂修檄文首有舊本甚多闕畧之語天闕  
畧固載筆者所不免也陳承祚三國志與裴註並行  
歐宋新唐書較之舊書而曰事增于前鳳潛先生之

贛州府志 卷首 舊例 九

書所列名宦鄉賢于宋元人物不無挂漏至乃遺文  
軼事未及採錄者更多大中丞高議閱覽所孜孜于  
闕畧者意固有在爾  
謝志稱補舊志佚漏若而人以董志比對而言也謝  
之去董與今之去謝皆彷彿九十年昔惟一代之今  
則兩朝熹懷以下例當續撰不得以補漏言就既經  
鳳潛珥筆而今復增添亦不啻什之四五矣  
謝志初板鼎革時已燬于兵徵周司理令樹重梓大  
航幾無復出董大理嘉靖丙申舊志無能舉似其名  
者偶從康孝廉同祿處購而讀之可謂靈光獨存鳳

清度堂志僅得鈔本數篇論贊統轄名宦今登之傳  
後者是也近託人於崑山傳是樓鈔寫藏書得南顧  
撫臣行實一卷亦非完本十二縣惟雩都志朱嘉熙  
中周頌有誤袁天駟與國志稱宋志數條軼作者之  
名其餘皆訪于明代獨賴縣志以循稱有宏治刻本  
而當時已亡近日劉令瀚芳草誤於康熙甲子諸志  
中反岳最後就前明諸志李中丞洙之雩都盧壘卿  
遠之甯都最爲名筆甯志舊本尙存由未經後人積  
修竄壞之故郡乘之體原與邑例有間而瑣瑣寥寥  
數卷又未可與鳳清同日而語故一以謝志爲禱謹  
而加之討濶焉

贛州府志

卷首 舊例

十

江西禹貢揚州之域天文斗分野於辰則丑於次則  
星紀於宿則斗牛女按揚州之域不止一江右今之  
江南浙江亦斗分閩廣亦牛女分江西界四省之間  
而並麗此三星作統志者所列分星於義當矣贛州  
者江西十三郡之一耳十三郡之分星皆同贛州何  
以獨得居之舊志引魏太史令直言郡國所入宿  
度豫章入斗十度顧蘇豫章則顧之宿度豫章已統  
之矣顧可以不載今之豫章專指洪州顧去洪千有  
餘里所入之宿度宜不無參差則愈不必載近代志

乘陋規必列分野雖葦爾小邑亦哀然簡端襲數千  
里公共之宿專爲獨居之度不若刪之爲當周禮保  
章氏所掌蠡管屬衛壽星屬鄭大火屬宋與星紀所  
屬之吳越地之廣狹不倫又星紀之次在北而吳越  
地南元楊降婁之次在西而齊魯地東其故誠有不  
可解者先儒久已疑之夾際鄭氏又曰天之所覆者  
廣華夏所占者牛女下十二國耳牛女二星且非閩  
廣江西三省之所得居蠡生不敢談天闕之可也  
贛地夙號多山諸志分爲峯嶺巒岡巖洞諸名其實  
一山所有反使首尾橫決脈絡不明且土名不一更  
有名皆名曠者何以列之今一倣鄴善長之體爲之  
聯貫分疏止隨地形遠近山勢斷續以大包小以有  
名括無名而荒僻頑蕪者不妨舍諸使一覽瞭然  
水以脈絡爲主顧屬諸水各自其山發源而奔走以  
合於顧辨其曾支約以三例曰發源曰經行曰會衆  
發源者如龍南之桃水石城之琴川是也經行者桃  
水之入信豐琴川之在甯都是也會聚者贛縣之章  
江貢江是也自餘各縣名水及諸小水概以是例條  
分縷析出某山經某地合某水此又桑氏水經之體  
從來舊矣

贛州府志

卷首 舊例

十一

細民不恥爲盜椎埋之姦視天下爲多其說見於王  
介甫李泰伯張子韶之文而李忠定王文成吳堯山  
江仲文以逮

國朝之劉柱國佟匯白諸鉅公皆以芟夸大難丕著  
戎勲其奏牘連章多言弭寇之事蓋以介居嶺嶠管  
嶂叢深習俗頑犷并網時有其間亦有麟羽薦處蘭  
艾同焚未可一概而論總以時籍風糜地當開敷先  
叛後服司牧之責所重費其紆籌者也故兵寇一編  
爲之反復致詳焉

晉唐以來累朝國史禪蘇以下諸家文集日星江河

輟川府志 卷首 舊例 十一

經天行地鳳渚先生之博雅不知何以闕漏猶多茲  
集之採獲頗殫厥心矣大家詩文海內傳誦雕板亦  
多善本間有一二仄隱佳篇蒐之邑志及從僻書鈔  
出者亥豕舛羊幾於無可句讀細意苦心爲之釐正  
身輕一鳥之句承叔以過宇承之開山幽居祇樹林  
敬美以士字易山字當其思則得之亦一快也  
知古而不知今謂之陸沈張壯武之博物猶未能悉  
三十年中近事謝志名宦於中明反多所畧以同時  
故也

國朝額郡上僚干昔景仰鴻名爾無從疏其政蹟者

茲氓載德而不知末學臆譏而不敢姑闕又以缺之  
乎

信史貴乎實錄故無取泛詞褒美若使論文人而輟  
日學窮千古錄武士而但日力敵萬夫安所取乎又  
各傳中多不稱名尊之曰公此墓銘體也施之於志  
傳則僭後人註韓杜蘇集稱公亦一家之言非通義  
也間或臨文稱呼則各從所著其未著者務標顯之  
古有楚國襄遂漁陽趙壹者標之也賈誼董仲舒則  
既著矣中郎稱蔚林宗稱字簡文稱謚羊公山公稱  
姓各從所著也

輟川府志 卷首 舊例 十三

章貢爲嶺嶠襟喉累朝設官自開闢分轄闡權戎帥  
文武大小廢置無恒官舍亦因之數易庾公之樓羊  
公之亭里巷傳譌疑耳信目逮及二氏之居遷流不  
一茫昧更甚若夫亭臺別業此邦所少然亦不無可  
錄者今就昔賢記序可辨識者稍釐正之疑則仍闕  
程泰之雍錄於選院諫坡二省政事堂特別職官一  
卷楊銜之乃有雒陽伽藍記李方叔則爲名園記掌  
故司存蓋前哲於是盡心焉耳矣

名宦鄉賢做國史名臣列傳各以時代分編體既崇  
重文筆亦繁文備武畧以下不復分編做南北史之

docsriver 文川网  
入驻商家 古籍书城

在文川网搜索古籍书城 获取更多电子书

循吏儒林諸傳不復列宋齊魏隋例也就諸傳中各有世次閱者自能辨之惟雜傳歸餘蜂起蜩集不能悉次若新唐書孝友傳序臚列姓名俾附不朽於青編而已

小序起于史記儒林游俠等傳間一用之班范亦師其法孔安國曰序所以序作者之意也意白矣奚序為近日志乘家每編必有序或為叶韻排語以足之葉變輯吳江志痛加排點愚意以為有不得不白者不妨間一用之

賈志例言

贛州府志

卷首

舊例

十四

府志自康熙五十三年壬辰江西巡撫鄧公廷極檄興國知縣張尚瑗纂修大約沿明謝詒舊志為胎本重加搜羅訂正分志地志人志政志事志言五類府境舊轄十二縣始自明萬曆四年至

國朝乾隆十九年始升甯都為州以瑞金石城二縣隸焉十九年前事迹俱照張志詳具志中

秩官表中之縣佐雜職選舉表中之援例爵職典吏飲宥等類亦應縣詳府畧不必沿舊志彙載知通志不載州縣職官貢生選舉之例

陝官選舉封爵三表表志皆用豎行新稿仿歷史例

立橫表秩官府縣分表亦從張志有年分可攷者即按年分表之無確鑿年分者則按朝代表之

李志例言

志乘不出土地人民政事一語張志分志地志人志政志事志言於政事分爲二類殊未愜心然其宏綱要已畢舉今首輿地即志地也次經政即志政也次官師選舉人物即志人也次藝文外志即志言也竊取其義各雖異而實同加以條目則庶幾縷晰云

疆域山水古今所同規其大勢附以前人考辨游記

陂塘悉仍舊志毋庸妄增修建姓氏致開爭水釁端

贛州府志

卷首

舊例

十五

城池學校書院官廨祠廟雜建置屢有遷徙而寺觀名蹟興廢尤甚附載碑記一二藉資考證其他著作無關修建者則列入藝文

自贛郡有濂溪陽明二書院東西相望似尊崇之者儼然有門戶之分異同之見而不然也輟爲濂溪過化之地陽明又大有功德於華人教澤之留遺皆未有艾故於贛州則並隆焉可也

郡志不載監司以上而贛州嚮設重臣自康熙四年巡撫率裁八年守道亦裁至今巡道領三府一州兼

權關驛傳且其地久經用武寇盜不時出沒駐劄總



兵官有備無患兵制因時裁減後置文有統轄武有  
總鎮不當以其郡志也而畧之

謝志元本董志多所訂正董志今雖不存知所纂未

必盡善張志本謝志之參核而加博購謝張二志皆

可觀者顧謝志亦有遺漏處如唐書載李勉曾為江

西觀察使謝志補沿舊志列貞簡於刺史張志旁搜

蒐引多多益善不無可議如以蔡毋潛為賴人前志

所未有蔡毋補闕全唐詩稱荆南人荆南今之荊州

府也

沿革官師選舉諸表俱不可廢仿史例為橫表則自

荊州府志

卷首

舊例

六

寶志始今當悉從寶志惟於選舉志中添附仕宦表

一卷餘則補遺訂誤增新而已

諸傳就見聞所及頗多增補如統轄各官補二十八

人唐李勉元李桓葉僊管如德李彥古察罕董士

選元明善明陳顯錢宏周相王凌吳山龔輝喻智沈

科楊伊志李棠蒙詔張璋汪起鳳賀萬祥姚奇允彭

期生黎遂球

國朝嚴正矩劉蔭樞白啟明新增三人蔣似鍾廖寅

查清阿府各官補十二人唐李夷簡宋劉瑾劉顯羅

榮恭梁岳陳天驥張處厚李肖龍明黃學海程守謙

國朝畢高選李啟宇新增者二人王友沂石家紹

名官補十人唐陽鴻宋黃文嵩明胡澄劉格鮑際理

卓震林廷春

國朝李若垠鄭世逢曹炯會新增者十一人徐大坤

孔興浙沈均安董元度鄧蔚林門錡龍謝陶琳葉廷

珩王維屏武穆潛武名官補一人明金文光新增者

二人諾爾布哈豐阿至賴郡人物自乾隆戊戌年後

據各廳縣志增載外如仕籍補一人明王漢忠義補

二人明曾嗣宗劉鳳起新增二傳馬文亮舉開琥而

以蕭鵬飛等附焉文苑新增十二人與世桂劉雨峯

荊州府志

卷首

舊例

七

宋昌恪宋昌鳳袁堂孟惟清徐紹斗黃致黃一桂蕭

期峯戴雲官劉惠熙善行新增五傳江瀾羅詩瑞徐

名棧鍾崇佑方君仕而以李資達鍾培鍾崇价等附

焉藝術新增二人羅泰琮王培萬賢新增二人東莞

張穆高安徐襲僊釋補一人明夏侯仰梅

孝友純行也謝志論之詳矣謝之言曰前史孝行多

端未聞有割股廬墓事末世乃有之甚矣中庸不可

能也夫哀毀之餘復受風雨剗割之下有傷肌體舉

非厚渚之所許余亦不欲以此勸孝故傳中不詳割

股事於廬墓則間錄一二其他孝行皆人子所能為